

## ARTICULUS V.

QUID FALCIDIA? TREBELLIANICA? AN HUJUS REDUCTIO A TESTATORÉ PROHIBERI POSSIT?

463. *Dico I.* Falcidia, ab auctore suo sic nuncupata, est quadrans, seu quarta bonorum pars, quam hæres vel ex testamento, vel etiam ab intestato, dedueto prius ære alieno, et impensis funeris, detrahitur ex bonis defuneti, qui hæreditatem legatis, vel donationibus mortis causa ultra dodrantem exhaustis, vel qui ultra dodrantem extra personam hæredis aliis reliquit. *Pr. Inst. h. t. L. 1. et 2. ff. ad Leg. Falcid.*

*Dixi:* ab auctore suo, etc. scilicet Publio Falcidio; cum enim ex *L. XII. Tabb.* quisque pro libitu omnia legare posset, eveniebat, ut hæredes scripti non adirent hæreditates, sive testatores decederent intestati; hinc primo lata *lex Euria*, qua uni non plus, quam 1,000. aurei possent legari; sed cum ea lex eluderetur, uni quidem non ultra 1,000., sed pluribus legando, successit *lex Voconia*, qua, ne cui legaretur plus, quam hæres haberet, cœrebatur; eveniebat tamen, ut, cum legatarii sæpe essent plurimi, nec sic hæredes pro exili lucro hæreditatem adirent; lata proinde demum *lex Falcidia* fuit a Publio Falcidio Tribuno plebis, qua sancitum, ne plus testatori legare licet, quam dodrantem, ut ea ratione salva hæredibus maneret quarta bonorum pars, vel jure retentionis, si possideat; vel rei vindicatione; vel actione in factum, vel condicione indebiti, si errore facti, utpote ignorans æs alienum latens, solvisset legata integra, *L. 9. C. ad Leg. Falcid.* Secus tamen, si solvisset errore juris, ut si, gnarus licet virium hæreditatis, putans tamen ad solvenda legata se teneri, ea solvisset, repeterem non poterit, *L. 10. ff. de J. et F. J.* Quoad deductionem igitur Falcidiae sunt sequentes regule.

*Regula 1<sup>a</sup>.* Deducit illam solus hæres, ultra dodrantem gravatus, non solum testamentarius, sed etiam legitimus, sive ab intestato, *L. 18. pr. ff. h. t.* Quod si plures sint cohæredes, in singulis ratio Falcidie ponenda est, *§. 1. Inst. h. t.* Sic tamen, ut, si ex duobus institutis hæredibus, quorum alterius pars hæreditaria legatis exhausta, cohæres alter deficiat, hujusque portio cohæredi accrescat, Falcidia possit detrahi, si pars gravata accreverit parti liberæ, non gravata; secus autem, si pars non gravata accreverit gravatae. *L. 78. et 87. ff. h. t.*

*Regula 2<sup>a</sup>.* Detrahitur Falcidia legatarii; cum vero fideicomissa particularia legatis per omnia sint æquata, *L. 2. C. de Legat. et Fideicom. etiam in his Falcidia locum habet, uti et in donationibus, sed tantum, mortis causa.*

*Regula 3<sup>a</sup>.* Deducitur de bonis, prout ea tempore mortis testator habuit, *§. 2. Inst. h. t.* unde tam incrementum, quam decrementum postea secutum ad hæredes, non legatarios, pertinet, *L. 73. pr. ff. h. t.* Item, deducitur deducto prius ære alieno omni, usque adeo deductis ante expensis funeris. *L. 39. ff. de V. S. §. 3. Inst. h. t.*

*Regula 4<sup>a</sup>.* Falcidia non extenditur ad prælegatum dotis, *L. 81. §. 1. 2.*

*h. t.* Nec detrahitur, si hæres surripuit aliquid, vel occultavit de bonis hæreditariis: non conficit inventarium debito tempore. *L. ult. §. pen. C. de Jur. delib.* Huc quoque refer, quæ ante num. 463. diximus. Plura num. sequ.

466. *Dico II.* Trebellianica, sic dicta a Trebellio Consule Romano, est itidem quarta bonorum pars, quam deducit hæres de bonis hæreditatis fideicomissio universalis nimis excessivo, aut supra dodrantem gravatus. *§. 5. Inst. de Fideicom. hæredit.*

*Dixi:* a TREBELLIO Consule; nam cum hæres directus sæpe nollet adire hæreditatem ob exiguum, vel nullam lucri spem, eo quod omnia caperet hæres fideicommissarius, Imperatore NERONE, ANNÆO SENECA et TREBELLIO MAX. Coss. conditum fuit *senatusconsultum Trebellianum*, ut, restituta ex testamento hæreditate, actiones omnes transirent in hæredem fideicommissarium, *§. 4. Inst. h. t.* ut penes quem esset lucrum, pariter esset incommodeum. Verum, cum, non obstante lege, adhuc repudiarentur hæreditates, Imperatore VESPASIANO AUGUSTO, et PEGASO ac PUSIONE Coss. *senatusconsultum Pegasianum* prodiit, quo permisum hæredi fiduciario, ut quartam detraheret de bonis ex ratione fideicommissi universalis restituendis. Ab eo igitur tempore hæreditaria onera penes hæredem directum manebant, nisi certa stipulatione, que dicebatur partis, et, ex parte, in fideicommissarium obligationes pro rata transmitteret. Sed hæc stipulationes multis videbantur captiosæ. Hinc tandem JUSTINIANUS ex geminis prioribus legibus, sive *senatusconsultis*, fecit legem unicam, ut deinceps quarta bonorum hæreditatis salva esset hæredi; actiones vero et onera hæredem fiduciarium inter ac fideicommissarium dividerentur pro rata; sed hæres fiduciarius, sive directus necessario hæreditatem adiret; aut omnino posset eam adire fideicommissarius. Quoad Trebellianicam igitur sequentes juris fixæ sunt regulæ:

*Regula 1<sup>a</sup>.* Deductio Trebellianica competit hæredi cuilibet; non tamen fideicommissario, si et hic rursus alteri deberet restituere hæreditatem; cum alias evenire posset, ut, si pluribus adhuc esset relinquenda, ad ultimos perveniret nihil.

*Regula 2<sup>a</sup>.* Antequam deducatur Trebellianica, subducitur æs alienum; saltem spectata praxi: deinde in detractione Trebellianica non attenditur mortis tempus, sed illud, quo restituenda hæreditas, *L. 58. §. 6. ff. ad L. Trebell.*

*Regula 3<sup>a</sup>.* Deducturus Trebellianicam, necesse est, ante adierit hæreditatem; si enim hanc non adierit, cessat et jus deducendi Trebellianicam; quippe quæ solum concessa est hæredi: Ac universim contra cessat hoc jus iisdem de causis, ex quibus jus Falcidiae. Unde appetat magnam esse utriusque quartæ, Falcidiae, ac Trebellianicæ affinitatem. *Nihilominus*

*Differunt* Falcidia et Trebellianica: 1<sup>a</sup>. Falcidia a legatis detrahitur; donationibus mortis causa; imo iis, quæ inter conjuges fiunt, *L. 18. ff. h. t.* Trebellianica a fideicommissis universalibus. 2<sup>a</sup>. Trebellianicam augent hæreditatis incrementa, et ejus decrements diminuunt; secus, ac de Falcidia dictum, *L. 22. §. 2. in fin. L. 58. §. 6. ff. ad Trebell.* ac sequitur ex dictis; Falcidia enim detrahitur a bonis defuncti, prout ea testator tempore mortis suæ habuit; Trebellianica vero a tempore faciendæ restitutionis. 3<sup>a</sup>. In Falcidiam

computantur solum, quæ hæres habet jure hereditario; in Trebellianicam etiam ea, quæ habet titulo legati, vel alio, L. 91. ff. ad Leg. Treb.

*Nec obstat, quod per L. 2. C. ad Leg. Falcid. Falcidia nihil aliud sit, quam Trebellianica; hoc enim solum verum est, si spectetur pars bonorum deducenda utriusque favore legis, et quoad alia memorata; non vero quoad omnia, ut ex allatis modo legibus liquet.*

**467. Dico III.** Deductio Trebellianicæ a testatore prohiberi non potest. Est multorum Jurisconsultorum contra HAUNOLDUM, HEINECCIUm aliasque plures.

*Prob.* In primis jure antiquo prohiberi non potest, ut constat, neque insificantur adversarii; jus vero novum quoad deductionem Trebellianicæ nihil immutavit. *Prob.* Si enim jus novum aliquid immutasset, ergo in Nov. 1. JUSTINIANI; nihil enim aliud assignari potest: atqui hoc non; quia cit. Nov. loquitur de Falcidia, non Trebellianica; nam in cit. Nov. cap. 2. non est sermo de herede fiduciario, cum in fine expresse dicatur: *Quod si quartam deducere prohibitus voluntati testatoris parere noluerit, eum ab hujusmodi institutione et hereditate recedere oporteat;* sed hæredi fiduciario non conveniunt; hic enim voluntati testatoris parere nolens cogitur adire hereditatem, eamque restituere, Arg. L. 52. ff. h. t.

*Dices 1º.* Jure novo Falcidia et Trebellianica æquiparantur, cit. L. 2. C. ad Leg. Falcid.: atqui prohiberi potest a testatore deductio Falcidiæ, Auth. Sed cum Testator. verbo expressim. C. ad L. Falcid.; ergo.

*R. 1º. Retorq.* Ergo sicut legatarius non potest cogere hæredem, ut hæreditatem adeat, L. 16. ff. ad senatusconsultum Trebell., ita nec hæres fideicommissarius: item: ergo sicut Falcidiæ perdit negligens tempore debito confidere inventarium; sic quoque idem perdet Trebellianicam, contra, ac saltem vult sententia probabilior, ac communior, quæ etiam teste HAUNOLDO adversario practicatur in Camera Imperiali: rursus retorsio est in iis omnibus, in quibus paulo ante diximus, differre adhucdum Falcidiæ et Trebellianicam. Unde

*R. 2º. D.* Æquiparantur quoad omnia N. quoad aliqua C. nam in multis adhuc differunt. Quod vero Falcidiæ deductio prohiberi possit, de jure novo est, Auth. Sed cum Testator. C. h. t. quo corrigitur jus vetus; ac proinde ad Trebellianicam ea correctio extendi non debet.

*Dices 2º.* In jure Trebellianica sæpe venit nomine Falcidiæ, ut L. 3. ff. ad L. Falcid., ubi: *Ac ne ea quidem, qua quis servis suis inutiliter legavit, fideive commisit, in computationem ejus legis (Falcidiæ) cedunt.* Item, in Nov. 1. cit. cur enim JUSTINIANUS alioquin inseruisset Fideicommissarios?

*R. N. Ant.* In L. 3. cit. sermo est de fideicommissis particularibus, in quibus, quia plerumque imitantur legatorum naturam, hisque exæquata sint, locum habet Falcidia; colligitur inde, quia in L. 3. agitur de lege Falcidiæ; dum e contra solis fideicommissis universalibus competit. Similiter in Nov. 1. agi de fideicommissis particularibus, non de universali, constat ex relatis verbis in Conclusione.

*Dices 3º.* Non est potior ratio pro Trebellianica, quam Falcidia: Item, eadem rationes, quæ pugnant pro prohibitione Falcidiæ, etiam pugnant

pro prohibitione Trebellianicæ, ut: quod conveniat mortuorum custodiri voluntas: quod hæres præsumatur ex pietate aditurus, etc. Ergo sicut Imperator in Nov. 1. permisit prohibitionem Falcidiæ, ita et Trebellianicæ.

*R. 4º. T. Ant. N. Cons.* Licet enim sit magna inter utramque affinitas; potuit tamen Imperator circa unam quid innovare, quin id faceret circa alteram.

*R. 2º. D. Ant.* Et reliqua sunt utробique paria N. imparia C. Nam habens jus Falcidiæ non potest a legatariis cogi invitus ad adeundam hæreditatem; potest tamen cogi fiduciarius hæres a fideicommissario; ergo cum hic sit multo deterioris conditionis, quam prior, merito etiam in alia ratione melior ejus esse debet conditio. Præterea fiduciarius debet computare in quartam, quod titulo legati habet; quin fructus perceptos eo tempore, quod inter mortem testatoris, et fideicommissi restitutionem intercedit, L. 18. L. 22. ff. h. t. L. 91. ff. ad L. Falcid. sed aliter hæres his omnibus non tenetur.

*Dices 4º.* Licet hæres fiduciarius cogi possit ad adeundam hæreditatem; hoc tamen gravamen non est alicujus momenti, quia id totum sit periculo hæredis fideicommissarii.

*R.* Licet hæres fiduciarius compellatur periculo fideicommissarii, multis tamen molestiis, laboribus et tricis, quæ aditionem hæreditatis comitari solent, exposita est, ac sine commodo et lucro.

*Dices 5º.* Imperator in Nov. 1. cap. 2. loquitur de fideicommissis, ut oppositis legato, qualia utique non sunt fideicomissa particularia, utpote quæ legatis exæquata sunt; sed universalia; ergo revera quod de Falcidia innovavit, ut prohiberi possit, etiam de Trebellianica statuisse censendum est.

*R. N. Ant.* Sed fideicomissa particularia ibi coniungit legatis, velut quorum naturam imitantur. Patet ex verbis in Conclusione.

## ARTICULUS VI.

### DE JURE CODICILLI.

**468. Dico I.** Codicillus (ex interpretatione nominis quasi parvus codex seu scriptura) est ultima voluntas minus solemnis, quæ hæreditas directe neque dari, neque adimi potest. Colligitur ex §. 2. Inst. h. t. estque quoad rem communis omnium.

*Dictum 1º.* Voluntas, quia ad hoc, ut valeat codicillus, requiritur voluntas faciendi codicillum. Hinc si quis testamentum fecerit, quod de jure non subsistit, hoc nec de jure codicillorum valere potest, licet cætera adsint codicillorum requisita, L. 13. ff. et L. 1. §. fin. C. h. t. L. 29. ff. qui Testam. fac. poss. nisi forte clausula codicillaris expressa adsit.

*2º.* Minus solemnis, scilicet solum respective ad testamentum; nam ad codicillum sufficient quinque testes (saltem si non sit a cæco factus, quo casu testes requiruntur sex, L. Hac consultissima. 21. C. de Testam.) iisque etiam non rogati, L. ult. §. ult. C. h. t. imo nec masculi, sed, etsi omnes quinque feminæ essent, subsisteret codicillus, CARPOV. Dices. 152. quod, etsi expressa lege

probari non possit, potest tamen satis colligi ex L. 20. §. 6. ff. qui *Testam. facere possunt*; nam, dum ibi femina *solum* a testimonii dictione in testamento excluditur, tacite admittitur in ultimis voluntatibus alii, cum exceptio firmet regulam in casibus non exceptis. Sufficit igitur ad codicilum, si fiat *actu continuo*, et quinque adhibitis testibus.

3º. *Qua hæreditas directe nō dari, nec adimi potest*; est enim hæc principialis differentia codicilli a testamento, quod in hoc solo directe institui hæres, et liberi exhæredari possint; hinc si defunctus sine testamento, licet codicillum fecisset, decesserit, dicitur decessisse intestatus, succeditque hæres ab intestato; sic tamen ut unus non capiat hæreditatem totam, sed ejus quartam, Trebellianicam, quoad reliquum vero defunctus censetur eius fidei commisso, ut hæredi in codicillo scripto restituat. Et hoc est, quod dici solet, hæreditatem in codicillo directe datam trahi ad fideicommissum, L. *Scævola*. 76. ff. ad *senatusconsultum Trebell.*

Diffrigatur codicillus a testamento 1º. ratione solemnitatis; 2º. ratione institutionis, quia videlicet in codicillo hæres directe institui non potest, neque filius exhæredari; 3º. ratione numeri; testamentum enim non nisi unicum valere potest, cum enim hoc sit ultima voluntas, qua testator de omnibus suis bonis disponit, testamentum aliud illi contrarium esset; at codicilli plures fieri possunt, validi omnes et servandi, si non inter se pugnant; si vero pugnare videantur, prior revocatus censetur.

469. *Dico II. Codicilli alii sunt scripti, alii nuncupativi; scripti dicuntur, qui scriptura fiunt, L. fin. §. fin. C. h. t. contra nuncupativi, dum quis, præsentibus quinque testibus voluntatem suam declarat viva voce. Tametsi vero codicilli nuncupativi dari non posse videantur; cum partim vocis significatio obstet, partim pr. Inst. h. t. ubi scriptorum tantum codicillorum fit mentio; si tamen spectetur introductio, etiam nuncupativi locum habent; postquam enim semel codicilli valere jussi, nihil obstat, quo minus quis etiam voce codicillari possit.*

Porro codicilli tam nuncupativi, quam scripti rursus alii sunt *testamentarii*, qui fiunt, et subsistunt cum testamento, L. 14. 18. ff. h. t. Hique testamentum vel præcedere possunt, quo casu olim expresse confirmari debent per testamentum subsequens, L. 5. ff. h. t. hodie tamen subsistunt, licet non expresse confirmati, modo nihil ipsis contrarium extet in testamento, §. 1. *Inst. h. t.* vel etiam possunt testamentum subsequi ad hoc explicandum, supplendum, mutandum. Alii *non testamentarii*; sive sine testamento, quo casu per codicillos tantum designantur legata, quæ hæres ab intestato succedens debeat solvere; vel hæreditas *indirecte*, scilicet fideicommissum, quod hæres ab intestato restituere debeat, detracta prius Trebellianica. *Testamentarii* vires suas habent a testamento, ab eoque dependent, L. 3. §. ult. L. 16. ff. h. t. alii sua virtute subsistunt; et hæres ab intestato in his relicta præstare tenetur, L. 16. cit.

Denum testamentis adjici solet *clausula codicillaris* in subsidium, eaque gemina, ut 1º. *Si testamentum non valebit tanquam testamentum, volo illud valere jure codicillorum*, L. 91. §. fin. ff. de Legat. 2. L. fin. C. de Codicill. Vel 2º. *Volo, ut valeat testamentum omni incliori modo, aut jure cuiuscumque ultimæ voluntatis, vel alterius dispositionis.* LL. citt. Utraque clausula eo

casu illud operatur, ut, si quinque testes subscripserint, testamentum subsistat in vim codicilli, L. 29. §. 1. ff. qui *Testam. fac. possint. et LL. citt.* Non tamen hæc clausula supplebit defectum solemnitatis internæ testamenti, quoad hæredem; ut, si fuisset institutus inidoneus, aut hæres suus injuste exhæredatus: neque defectum voluntatis, vel non aditæ hæreditatis. L. 29. ff. qui *Testam. fac. poss. L. 3. ff. de Vulg. et Pupill. subst.*

*Si dicas:* Nihil interest inter duas illas clausulas; ergo immerito inter eas discriben fit.

R. N. Ant. Posterior clausula, utpote amplius extensa, videtur priori in hoc esse melior, quod non tantum, sicut hæc, legatum ac fideicommissum, sed etiam donationem mortis causa comprehendat. Atque ideo varii ex Pragmaticis volunt, si filiusfamilias testamentum fecerit cum consensu patris; adjecta illa clausula, sustineri voluntatem filii in vim donationis mortis causa. De CLINGENSPERG. *Instit. Lib. II. Tit. XXV. Vin. in pr. qui Testam. fac. poss. num. 3.*